



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Nucleus Casuum Conscientiæ Sive Brevis Notitia Eorum  
quæ scitu vel necessaria, vel valde vtilia sunt  
Confessarijs in primo ingressu ad audiendas Confessiones**

**Agostini, Giuseppe**

**Coloniae Agripp., 1644**

De Ludo.

**urn:nbn:de:hbz:466:1-41767**

ad armandum se, & iterum reuertatur ad pugnam: & similia. Quia propriè hic non intercedit conditum, & conuentio in aliquem locum, vel tempus, &c. Alia legite apud Auctores citatos, & alios.

## DE LVDO.

**L**Vdus importat quemdam contractum, quo vincenti tribuitur id, quod depositum est ad hunc finem. Est autem triplex. Alius, in quo maximè dominatur casus, & fortuna, & dicitur lusus alexæ. Alius, in quo maximè dominatur ars, vel industria, aut ingenium, & dicitur *ludus mixtus*. Et quidem *ludus mixtus* præcisè ludus est indifferens: & quamuis fieret præcipuè ex intentione lucrandi, non esset mortale per se. Et quamuis primi generis ludi sint iure civili prohibiti, propter pericula, & mala, quæ ex illis sequi solent; tamen hæc prohibitio non obligat ex se præcisè sub mortali. Similiter iure canonico tales ludi sunt Clericis prohibiti. Sed quia tales leges non sunt in tanto rigore usu receptæ; ideo aliqui excusant clericos à mortali,



ex vi præcisa legum : nisi aliquis esset publicus, & cum scandalo, & continuus aleator: Quæ in re consulendus est usus regionum. Quare ludus potest esse licitus, si fiat ex honesta aliqua causa, & cum debitis requisitis.

2 Ea, quæ per ludum acquiruntur, non sunt obnoxia restitutioni, per se loquendo, nisi in sequentibus casibus. 1. si quis per fraudem vicisset, decipiendo colludentem contra leges ludi. 2. si lucraretur pecuniam, vel alia bona, quæ non sint sub potestate perditoris, ut si esset Religiosus, vel filius familias, vel servus, & luderet de bonis non suis: in quo casu, neque Religiosus, aut filius familias, &c. posset lucrari vincendo, & teneretur etiam ad restitutionem: est enim eadem conditio utriusque in tali casu. 3. si per vim, & merum cogeret alium ludere. 4. si fingeret se habere pecuniam ad ludendum, quam non habet: & similibus casibus, in quibus intercedit aliqua iniustitia.

3 In multis verò alijs casibus potest esse peccatum ludere, etiam si non sit obligatio restituendi: & quidem ubi erit  
gra-



gravis materia, erit mortale: v. g. si quis ex ludo soleat in blasphemias prorumpere, vel in rixas, si fiat cū notabili detrimento familiæ, si impediatur alia opera necessaria ex præcepto, si fiat cum scandalo aliorum, vel cum detrimento notabili eius cum quo ludit, quia est pauper, & habet familiam, quæ facillè redigetur in magnam, vel extremam necessitatem, vel si alia similia mala sequantur ex ludo. Et quia cū tales ludi, alearum præsertim, sunt frequentes, solent aliqua, vel multa ex his malis sequi; ideo, per loquendo, est graue peccatum exhibere domos, & mensas paratas omnibus ad ludendum, quod vulgo dici solet (tenere barattarie) quas difficillimum est posse iustificari, si publicæ, & communes sint.

4 Quando ludus est prohibitus: non tenetur victor restituere id, quod lucratus est ante sententiam Iudicis, si victus reclamet. Quòd si victor per vim, & fraudem impediatur Iudicis sententiam; tenetur restituere. Item victus tenetur in foro conscientie soluere, nisi velit vi beneficio legis, & post sententiam Iudicis

cis



cis non soluere, nisi intercesserit iuramentum de soluendo: tunc enim debet prius absolui à iuramento. Qua etiam in re videndum est, an sint aliquæ leges particularares in hoc, vel illo regno.

§ Ludere cum imperitiori notabiliter, ita vt moraliter certus sit peritior de victoria; non licet, & est obligatio ad restituendum: nisi imperitia aliunde suppleretur. Agunt de Ludo *Azor. to. 3. c. 24.* & *Filliuc. to. 2. tr. 37. c. 5.* *Bonac. tom. 2. de contract. quest. 3. par. 1.*

## DE SIMONIA.

1 **S**imonia est voluntaria emptio, vel venditio, aut quouis modo commutatio rei sacræ, vel rei adnexæ rei sacræ, pro pretio temporali. Est autem hoc vitium contra Religionem: quia rei sacræ, & supernaturales indignè tractantur, si pretio temporali commutentur. Est etiam contra iustitiam, saltem in multis: vt cum venditur id, quod alioqui ex iustitia debebatur gratis: vt si Parochus vendat confessionem, &c. Secundò, cum res venditur pluris propter  
 con-